



# Warhafftiger Ab-

23.

druck des durchleuchten Ho-  
bornen Fürsten vnd Herrn/ Herrn Johan  
Wilhelm/ Herzogen zu Sachsen/ Landgra-  
fen in Thüringen/ vnd Marggrafen zu Meissen/ ausgegangen  
schreibens/ am Dato im Veltlager bey Amiens den 27. Sep-  
tembris nechst vor schienen/ an erliche Chur vnd Fürsten des  
h. ligen Reichs/ darinnen sein S. G. versähen anzeigen/ Welch  
erhalten sie sich in des Königs zu Frankreich Kriegs vnd  
dienst bestellung begeben/ vnd sich daneben ausdrücklich er-  
klaren/ Das S. S. G. gemät vnd vorhaben nicht s. y. einigen  
des heiligen Reichs Teutscher Nation einverleibten Standt/  
durch S. S. G. oder die Iren zubeschweren/ noch solchs zu  
thun den Iren wissentlich zugestatten. Daraus dannzubefin-  
den/ das S. S. G. vnd den Iren/ mit dem ausgesprengten ge-  
schrey/ als solten S. S. G. in izigem vorstehenden Abzug  
das geurlaubte Französische Kriegsvolk an sich ziehen vnd  
damit in Teutschland Krieg vnd vnruhe anrichten wollen/  
vngültlich geschicht/ vnd das solchs entweder durch S. S. G.  
unsgünstige oder sonst vnrungelent/ die zu Kriegs entbö-  
rung lust haben/ vnd die Herrn gerne miteinander  
bezen wolten/ ausgebreitet wüdt.



190264



Handwritten text at the top of the page, likely a title or header, written in a Gothic script.

Main body of handwritten text in Gothic script, arranged in several lines. The text is dense and appears to be a formal document or letter.



M 557, IX, 27

**U**nsere freundlich dienst  
vnd was wir liebs vnd guts vor  
mögen/zunorn/ Hochgehorner  
Fürst/ Freundlicher lieber De  
heim/ Als wir vorschienen Ewij.  
Ihres/ bey dem aller Durch  
lauchtigisten 7 grosmächtigsten  
Fürsten vnd Herrn/ Herrn Ferdinanden/ damals  
Römischen König/ vnd nunmehr erwöltem Rö  
mischen Keiser/ vnserm aller gnedigsten herrn/  
persönlich in der Chron Bchem zu Prag/ der  
zeit ihrer Kay. Mai. geliebte Sone herr Mari  
milian erwölten König zu Bchem/ vnd herr Fer  
dinand/ Erzhertzogen zu Osterreich/ gebrüdera/  
vnser besonder freundliche liebe herrn/ Dhemmen  
vnd Schwegerer/ auch gegenwertig/ vnd zur stette  
gewesen/ So haben wir von gedachtem Könige  
Maximilian/ in sonderheit damals/ auch her  
nach/ aus etlichen ergangenen schriften/ ganz  
freundlichen willen vnd neigung/ gegen vns ge  
spürt/ vnd vormarckt/ Dargegen vnd hinwi  
der wir vns nicht allein zu demselben mal/ gegen  
hochstgemelter Kay. Mai. etc. auch gegen König  
Maximilian selbst zu vnterthenigstem willigem  
vnd gestiffenen diensten/ Nemlich zu Felde/ inn  
Zügen/ vnd Kriegshendeln/ wider den Erbfeind  
der Christenheit/ den Türcken/ für einen Diener  
A ii gebrauchen

gebrauchen zulassen / Oder aber auch an irer Kay.  
Mai. etc. oder Kön. Wirde wesentlichen hofe/  
dienst gewertig zu sein / Sondern auch vor der  
zeit vnd hernacher / in schrifften vñ mündlich zum  
offtermal vñnd mehr de an an einem ort für vns  
selbsten / vñnd durch vnserer gesandten erboten / auch  
darzwischen / vñ von wegen solcher vnterthenigē  
vñnd ganz wolmeintlichen / angebotenen dienstlie-  
ftung / viel guter bequemtigkeiten / so vns sonst  
an andern orten für gestanden / hindan gesetzt ha-  
ben / vñnd also aus vntertheniger gutwilligkeit /  
auch dieses nicht ansehen / noch achten wollen / ob  
wir gleich zu berürter dienst wartung / von den  
vnsern / einen statlichen vnkosten / nach vnserer irri-  
gen gelegenheit / vñnd allein höchstigenanter Kay.  
Mai. zu vnterthenigkeit / vñnd Kön. W. zu dienst-  
williger erzeigung vñnd freun- schafft / heiten dar-  
strecken vñnd auffwenden sollen / Wir haben dar-  
auff aber jedes mals auffschubliche antworten /  
vñnd solchen bescheid bekommen / dessen wir vns we-  
nig zuuortrösten gehabe / vñnd dadurch allein zu  
vnsern vnstatten / mit verliurung vieler zeit vñnd  
anderer guter gelegenheiten / auffgehalten wor-  
den / vñnd also künfftiger vngewisheit nachsehen /  
auch in blossen zweiffel stehen müssen / Wenn vñnd  
ob man vielleicht vnserer angebotene dienste eins  
mals bedürffen / vñnd darzu gebrauchen vñnd erfor-  
deru würde / oder nicht.

Es ist

So ist auch E. L. vnuerborgen / das wir zu  
forderst noch zu weiterer erklerung / vnser zuneig-  
ung / williger vnd geflissener dienste gegen dem  
hausse Osterreich / vns für einem jar / zu Kön. W.  
zu Engelland / vnd gleich zu der zeit / do jr Kön.  
W. ein friegs Expedition / wider die Chron zu  
Frantreich im werck gehabt / eigener person vor-  
füget / vnd sonder rhum dermassen dienstlich erzei-  
get vnd vorhalten / dadurch ire Kön. W. vnser ge-  
müt / willen vnd meinung / auch das wir irer Kön.  
W. zu dienen nichts weniger / denn andere so von  
irer Kön. W. beworben / vnnd angenommen wor-  
den / in gleichnis auch bestellen vnd gebrauchen zu  
lassen / lust vnnd neigung trügen / leichtlich hetten  
spüren vnd abnemen mögen.

So sind wir auch hernachmals / do wir von  
irer Kön. W. widerumb / aus derselben Feltlager  
abgescheiden / eine gute vnd lange zeit / vngeachtet /  
das wir zu demselbigen mal / von wegen irer Kön.  
W. einiger dienst bestellung halben / an vns / nichts  
gemütet / noch gelanget worden / in guter zuvor-  
sicht gestanden / Die weil wir glaublich berichtet /  
das ire Kön. W. eine zeit hero / hin vñ wieder auch  
in der nehe / vmb vns hero / bey wenigern vnd ge-  
ringern Personen / außs newe vmb Reutter be-  
werben vnd sprechen lieffe / man würde auch bey  
vns / wie geringschickig wir vielleicht geachtet  
werden möchten / vmb dienstbestellung sich  
haben thun lassen.

Aber die erfahrung hat vns/ im werck selbst  
soniel bezeigt/ das man vnserer dienste nicht be-  
dürfftig gewesen / vmb des willen vns auch soniel  
mehr dieses nachdencken verursacht / das die selbi-  
ge vnserer dienste künfftiglich so wenig als do-  
mals/ deren ende / dahin wir doch / wie oben be-  
würt/ lust vnd neigung gehabt/ begehlich vnd an-  
nemlich sein würden.

Welchs alles wir den nu haben hingehen vnd  
geschehen lassen / auch nachmals der zeit befehlen/  
vnd dahin stellen thun / das wir vnserer vnterthe-  
nigste / wolmeinliche vnd gestiffene dienst / auch  
sonderliche neigung vnd gutwilligkeit gegen dem  
haus Osterreich/ mehr dann in einem wege/ nicht  
allein ausdrücklich angeboten / sondern auch das  
deutlich vnd verstendig gnugsam an tag geben  
haben.

Nu ist aber E. I. vnd meiniglich / vnser vnd  
vnserer freundlichen lieben Brüdere / viel jar an  
hero armeliger vnd ganz vordruckter zustand/  
freundlich vnd wol bewust/ machen vns auch dar  
neben keinen zweiffel/ E. I. werden sein der  
zeit/ mehr dann einsten/ vnserne halben mitleidlich  
zu gemüt geführt vnd erwogen haben/ solchen er-  
bermlichen vnd schmerzlichen vnfall/ so Weiland  
Churfürst Johans Friederichen/ zu Sachsen ze.  
vnserm gnedigen lieben Herrn vnd Vatern/ hoch-  
löblicher vnd Christlicher gedechtnis / in vnserm  
vnd

mit gedachter vnserer lieben Brüdere/ Kindlichem  
vnd minder zerigem alter/ vnd also vns als den  
Erben selbst/ zu vnuorwindlichem schaden/ an  
vnsern vhralt veterlichem Stam/gütern/ Ehre  
vnd Fürstenthumben/ durch Gottes verhengnis  
übergangen/ Darumb E. L. freundlich vnd  
wol zu ermessen haben/ vns auch zuvorsichtig  
freundlichen beyfall geben werden/ das vnser ge-  
legenheit vnd eusserste notturfft vnuormeidlich  
erfordert/ zu erhaltung vnser fürstlichen werden/  
alten vnd ehrlichen Standes vnd herkomens/ do  
wir zusampt vnsern freundlichen lieben Brüde-  
ren/ nach solchen bequemlichkeiten/ mitteln vnd  
wegen/welche Christlich/Fürstlich/rhümlich/vnd  
vns nicht weniger/ als vnsern hochlöblichen Vor-  
fahren/Freunden vnd Vorwanten/ im Heiligen  
Reich Deutscher Nation/ je vnd allwege vnuor-  
weistlich vnd zulestlich gewesen/vnd noch sein/tra-  
chten/ Auch des glücks/ so vns von Gott dem all-  
michtigen/ gegen vnsern eine lange zeit erduldeten  
Creutz/widerumb zu vnserer gedeilichen wolffart  
vnd auffnemen/ beschert sein mag/ vor suchten.

1017  
1017  
Wann dann wir als ein junger Fürst/ der  
nu mehr nach erreichunge seiner mündigen vnd  
männlichen jare/ vnd also in seinem angetenden/  
vnd blüenden alter/ je nicht gerne/ durch vbrige  
vnd müßige weil/ vnachtsam vnd schlaffent/ vor-  
sich

sihen vnd vorsaignen wolten / wie vns dan solche  
nachlessigkeit vnzimlich vnd vbel anstehen / vnd  
nachgesagt werden möchte / Zu deme / das es auch  
die gelegenheit vnserer vbrigen gelassenen Lande/  
nicht geben noch leiden wil.

Als wissen wir demnach E. L. freundslicher  
meinung nicht zuuorhalten / das wir erstlichen vn-  
sern freundslichen lieben Brüdern / aus Brüder-  
licher freundslicher wolmeinung / liebe vnd trewe /  
auch vnsern / mit iren Liebden / in gesambtschafft  
gelassenen vnd anererbten Landen vnd Fürsten-  
thumben / welche dann auch dreier zugleich regie-  
render Fürsten / fürstlichen stat / hoffhaltung / vnd  
vnkosten (wir wolten dann vnser arnthe vntertha-  
nen / vber ihr vermögen / beschweren lassen) nicht  
würden ertragen mögen / zu sonderlichem nutz /  
frommen / vnd schleinniger beförderung / der sel-  
bigen Regierung vorgemelten vnsern lieben Brü-  
dern / vnsern Antheil / an jzt berürten Fürsten-  
thumb / vnd Landen / mit bedringter vnterschiedlich  
ermas vnd erklerung / brüderlich vnd freundlich  
vbergeben vnd auffgetragen haben.

Zum andern / Vnd weil vnserer dienste / im  
haus Osterreich / wie hicroben angezeigt / nicht  
raum noch Stat finden mögen / das wir darauff /  
aus eigenem bewegnis / auff zeitigen langwiri-  
gen / bey vns gehabttem rathe / one einiges zuthun /  
geheis /



Geheis / anleitung oder rathsgebung / als ein ar-  
mer junger vnd verdruckter Fürst / welcher auff  
freiem fus stehet / seine besserung / vnd gedeylichs  
auffnehmen / fürstlich / rühmlich / vnd der Deutsch-  
en Nation / alten / löblichen / vnd fürstlichen Li-  
bertet / freiheit vnd herkommen / gemess / ganz gerne  
suchen / vnd gewinnen wolte / Vns bey der Kön-  
W. zu Franckreich / vnd auff derselben vnvorse-  
henlichs günstiges vnd freundliches gesinnen /  
vnd annuten / in eine dienst vnd Kriegsbestallung /  
zugeben vnd eingelassen haben / Auch vormittelt  
Göttlicher hülff / derselbigen bestallung / fürstlich /  
aufrichtig / vnd vnvorbrüchlich / wie vns dann  
ehren halben / hierin anders zuthun nicht gebüren  
wolte / nachzusehen bedacht sein.

Nach dem wir aber vnterstehender vnd we-  
render Abhandlung solcher vnserer dienst vnd  
Kriegsbestallung / gegen der Chron Franck-  
reich vor allen dingen zu gemüt gefürt vnd wol  
betrachtet / welcher gestalt die Stende / vnd der-  
selben Vnterthanen im heiligen Reich Deutsch-  
er Nation / vormüge ihrer alten löblichen vnd  
wolhergebrachten freiheit / inwendig vnd auffer-  
halb des Reichs / in kriegsachen / sich frey vnd vn-  
vorhindert gebrauchen zulassen / gewonet / befügt  
vnd berechtigt gewesen / vnd nachmals sein / In-  
massen dann solchs / aus der Passawischen hand-  
lung /

lung/Anno etc. Eij. gepflogen/ Vnd aus den do-  
mals vbergebenen beschwerungs Artickeln / stet-  
lich zubefinden / daneben auch vnser pflichtige  
vorwantnus / gegen hochstgemelter Röm. Key.  
Mai. 26. vnserm allergnedigsten H. Erren / auch  
dem heiligen Reich Deutscher Nation / inn kein  
vorgessen gestelt / Als haben wir vns / mit zeit-  
tigem / vnd bey vns selbst gehalten rathe / wolbe-  
dechtigem mite / vnd guter bescheidenheit / in sol-  
che dienst vnd Kriegsbestallung bey der Chron  
Franckreich / souiel bequemer / vnd one einigen  
vorweits einlassen können / vnd zufforderst / Die-  
weil darinnen / wir die hochsternente Röm. Key.  
Mai. 26. vnserm allergnedigsten Herren / Des-  
gleichen auch das heilig Reich Deutscher Natio-  
on / zusamt desselben einuorleibten Gliedern vnd  
Stenden / namhaftig ausgezogen / vnd vns wider  
dieselbigen öffentlich / vnd heimlich / in vngutem  
mit nichten gebrauchen zulassen / ausdruckenlich  
vorbehalten haben / Wie dann auch solchs von  
Kön. W. zu Franckreich bey vns nicht gesucht /  
noch begert worden / Vnd darumb solcher vorbe-  
halt vnd auszug / bey irer Kön. W. souiel mehr  
vnd leichter zu erlangen gewesen / Wie vns dann  
dessen ire Kön. W. vnter irem grossen Insiegel  
genugsam versichert.

Welchs wir dann E. L. ganz freundlicher  
wolmeinung / vnd darumb haben berichtet vnd  
zuerken

zuerkennen geben wollen/ Do vielleicht dieses  
vns vorworslich fürhaben/ anderer gestalt/  
dann wir vormeldet/ sonderlich aber von vnsern  
Misgünstigen/ vns damit zu beschweren vnd zu-  
uorunglimpffen/ an E. L. gebracht vnd gelanget/  
damit E. L. dessen vnd also des gemüts/ vnd der  
warheit vnsernt halben/ wissen haben.

Bitten demnach E. L. ganz freundlichen/  
E. L. wollen solchem/ dermassen stat vnd glauben  
geben/ Do es auch anders ausgebreitet/ vnd ge-  
deutet wolt werden/ Vns/ wo es die notturffe  
erfordern würde/ deshalb freundlich zuent-  
schuldigen/ Auch warhafftigen gründlichen be-  
richt/ hiezuon fürzuwenden/ Vnd das es keine  
andere meinung/ mit vnserer dienstbestellung ge-  
gen der Chron Franckreich habe/ dann ich E. L.  
von vns angezeigt wirdet/ Noch auch/ vnd viel  
weniger/ das vnser gemüt vnd vorhaben sey/ eini-  
gen des heiligen Reichs Deudscher Nation/ ein-  
uorleibten Stand/ durch vns oder die vnsern/ vn-  
uorursacht / oder do wir zu einem andern not-  
drenghlich nicht bewogen/ zu beschweren/ noch auch  
solchs zuthun den vnsern wissenlich zu gestatten/  
E. L. wollen auch selbst für ir person/ vns solchs  
zu keinem argen noch vnguten stellen noch ver-  
mercken.

Do auch dis vnser fürhaben von mehr hochst-  
gedachter Röm. Kai. Mai. etc. vnserm allergnedi-  
gisten Herren/ an E. L. als derselben Herrn vnd  
Schweher vormutlich / albereit möcht gelanget  
sein / oder künsttlich gelanget werden / sondern  
zweiffel / auff vnser Misgünstigen angeben / vnd  
bericht / Aber dem allem / wie obgemelt / zu ent-  
gegen vnd zuwider / auch vns zu sonderlicher vor-  
kleinerung vnd nachteil zc. So bitten wir  
weiter freundlich / E. L. wolle auff solchen fall /  
oder auch one das für sich selbst / auff diesen vnsern  
gegründten bericht / vns gegen irer Key. May. zu  
vnserm besten glimpff inn sonderheit vnterthe-  
nigst auch zuentschuldigen / vnd vnser Misgön-  
ner anbringen / vnd angeben / abwenden zuhelffen /  
Mit darneben E. L. vnterthenigsten angeheng-  
ten Vorbit / das ihre Key. Mai. etc. dieses vnser  
vorhabend werck / nicht vngenedigst vormerck-  
en / Sondern vns hierinnen / allen genedigst vnd  
veterlich entschuldigt haben / vnd wissen wolten /  
inn genedigster betrachtung / das berürte werck /  
wie hieroben mehrmals gemeldet / von vns zu  
vnserer hohen notturfft angefangen vnd fürge-  
nommen / Dergleichen / das auch ihre Key.  
Mai. etc. vnserer freundliche liebe Brüdere / der-  
selben Lande vnd Leute / inn allergnedigstem  
Keyserlichem vnd veterlichem schutz / schirm vnd  
befehlich haben / vnd halten / Vnd also vnser dreier  
Gebri

Gebürdere/ als gehorsame des Reichs Fürsten/  
allergenedigster Keyser/ Herr Vater sein/ vnd  
bleiben wolte.

Dargegen stehen wir in der unzweiffenlich-  
en zuvorsicht/ das gedachte unsere liebe Brüdere/  
sich neben vns/ oder auch vnser abwesens/ gegen  
hochstgemelter Röm. Key. Mat etc. vnserm al-  
lergenedigstem herren/vnnd dem heiligen Reich/  
alles vnterthemigsten schuldigen vnd gebürenden  
gehorsams/ nichts weniger dann andere Reichs  
Stende vorhalten werden.

Vnd haben E. L. solchs alles/ darumb vor-  
melden wollen / weil alhier in Franckreich für  
vns kommen/ das wir in E. L. vielleicht von vn-  
sern Misgünstigen/ doch one grund / getragen  
sein worden/das wir mit vnserm durchzuge/ vnnd  
do wir ober Rhein kommen/ neben Wilhem von  
Grumbachs Neuttern/ E. L. vnd der selbigen  
Lande/mit vnserm Kriegsvolck/ vberziehen sol-  
ten.

Nach dem wir aber vnser wissens/ mit E.  
L. in vngutem/ gar nichts zuthun / Sondern  
vns viel mehr zu E. L. alles freundlichen/vnnd  
erkerlichen willens vorsehen / Auch nachmals  
das vortrawen zu E. L. haben/ wie auch E. L.

von uns hinwider/ anders/nicht spüren noch ver-  
mercken sollen/ Dann da wir derselben lieb/  
vnd dienst zu erzeigen wüsten/ das wir als der  
freund dazu freundlich geneigt sein/ Zweifel  
auch nicht/ E. L. werden vmb soviel destomehr/  
solchem von uns vnbeständigem gerücht / nicht  
geglaubt haben/ oder demselbigen nachmals glau-  
ben geben/ Dann E. L. sollen es gewislich  
dafür halten/ das vnser gemüt vnd meinunge/  
anders nicht ist/dann mit E. L. vnd andern Chur  
vnd Fürsten des Reichs Deudscher Nation/ inn  
friede/ruhe vñ einigkeit zu leben/ auch alle freund-  
schafft vnd freundlichen willen zuerzeigen vnd zu-  
beweisen.

Solten wir auch mit der zeit/ den Ertich-  
ter dieser dinge erfahren/ wollen wir uns gegen  
demselben dermassen erzeigen/ damit E. L. vn-  
ser vnschuld in deme zuspüren haben/ Vnd  
do vielleicht in E. L. dergleichen/ in vnserm abzu-  
ge/ wann der sich zutragen möchte/ gebildet wer-  
den wolte/ So bitten wir abermals freund-  
lich/E. L. wollen demselbigen gleicher gestalt nicht  
stat geben.

E. L. wollen sich in dem allem freundlich/  
gutwillig vnd vnbeschwert erzeigen/ wie vnser  
freunde

freundlich vnnnd vetterlich vortrawen/ zu E. L.  
stehet/ Das seind wir vmb E. L. hinwider  
freundlich zuuordienen willig. Datum im  
feltlager bey Amiens den xvij. Septembris /  
Anno etc. Lviij.

Von Gottes genaden Jo-  
hans Wilhelm Herzog zu  
Sachsen / Landgraue inn  
Döringen / vnd Marggra-  
ue zu Meissen.

Johan Wilhelm  
Herzog zu Sachs-  
sen/manu pro. sst.

Dem Hochgebornen Fürsten/  
Herrn Albrechten / Pfalzgrauen  
beim Rhein / Herzogen in Obern  
vnnnd Nidern Bayern / vnserem  
freundlichen lieben Oheim etc.

Handwritten text, likely bleed-through from the reverse side of the page. The text is mirrored and difficult to decipher.

Handwritten text, likely bleed-through from the reverse side of the page. The text is mirrored and difficult to decipher.

Handwritten text, likely bleed-through from the reverse side of the page. The text is mirrored and difficult to decipher.

Handwritten text, likely bleed-through from the reverse side of the page. The text is mirrored and difficult to decipher.

V



Gas VLT06800

R08/785